

四庫全書

子部

欽定四庫全書

玉機微義卷三十

明 徐用誠 原輯

劉 純 續增

牙齒門

論牙齒諸痛所因

東垣曰夫齒者腎之標口者脾之竅諸經多有會於口者其牙齒是也手足陽明之所過上斷隸於坤土乃足陽明胃之脉貫絡也止而不動下斷嚼物動而不休手

陽明大腸之脉所貫絡也手陽明惡寒飲而喜熱足陽
明喜寒飲而惡熱其病不一牙者腎之標亦喜寒寒者
堅牢為病不同熱甚則齒動斷斷但脫作痛不已故所
治療不同也有惡寒作痛者有惡熱而作痛者有惡寒
又惡熱而作痛者有惡寒飲少熱飲多而作痛者有惡
熱飲少寒飲多而作痛者有牙齒動搖而作痛者有齒
但而為痛者有齒斷為疳所蝕缺少血出為痛者有齒
斷腫起為痛者有脾胃中有風邪但覺風而作痛者又

有牙上多為虫所蝕其齒缺少而色變為虫牙痛者有
胃中氣少不能於寒袒露其齒作痛者有牙齒疼痛而
穢臭之氣不可近者痛既不一豈可一藥而盡之哉

按此論齒惡寒熱等作痛本手足陽明動搖斷脫本足
少陰故此三經所主為多然齒袒虫疳濕熱斷腫血出作痛
痛而穢臭者皆胃熱火盛所致亦有諸經錯雜之邪與夫
外因者故已上病機現證甚詳學者宜究其機而處治焉

論牙痛分三因

陳無擇云齒為關門腎之榮骨之餘也腎衰則齒豁精
固則齒堅又大腸支脈在牙斷主灌注於牙大腸壅則
齒為之浮大腸虛則齒露挾風則攻目頭面疳蟲則齲
脫為痔皆氣鬱而生諸證不同治之

謹按頭面外冒風寒或口吸寒冷致牙痛者皆外因
也實熱或陰虛火動骨蒸所致氣鬱血熱虫疰皆內
因也硬物所支打擊等致皆不內外所因也故諸證
不同治之陳止言經病而不具三因者恐傳梓時脫簡爾

論齒痛為風熱濕熱所致

東垣曰劉經歷之內年三十餘病齒痛不可忍須騎馬外行口吸涼風則痛止至家則其痛復作家人以為崇神禱於巫師而不能愈病乃濕熱為邪也足陽明多血多氣加以膏粱之味助其濕熱故為此病因立一方不須騎馬常令風寒之氣生於齒間以黃連胡桐淚之苦寒新薄荷葉荊芥穗之辛涼四味相合而作風寒之氣治其濕熱為主以新升麻之苦平行陽明經為使牙齒

骨之餘以羊髓骨灰補之為佐麝香少許入肉為引用
為細末擦之痛乃減半又以調胃承氣湯去硝加黃連
以治其本服之下三兩行其痛良愈遂不復作

按此論實熱例而合辛涼風劑蓋風能勝濕苦以洩
熱也今世俗有以大戟芫花小麥椒細辛蒼耳熬湯
熱嗽而牙痛立止者正同此例大抵人之牙齒致病
實多內則氣鬱血熱骨蒸等因外則咀炙熱受寒水
鹹酸辛辣之味適口豈不漬搏耶且如以醋沃石則

石為蘇況人之骨餘者乎然雖經絡之喜寒熱氣不
同所受病異者則豈全在標爾

牙齒治法

治風之劑

局方細辛散治風蛀牙疼腮頰浮腫

荊芥穗

細辛 各一兩

砂仁 半兩

白芷

紅椒

草烏 各二兩

鶴虱

牙皂角

畢撥

各半兩

右為末每少許頻擦患處有涎吐之仍用水灌漱
按此手陽明足少陰厥陰藥也

三因玉池散治風蛀牙疼腫痒動搖牙齦潰爛宣露出
血口氣

地骨皮

白芷

升麻

防風

細辛

川芎

槐花

當歸

藁本

甘草

等分

右為末每用一字揩之痛甚取二錢水盪半黑豆半

合薑三片煎嗽

按此手足陽明厥陰藥也

百一選方治風牙疼

白芷一兩 朱砂一分

右為末煉蜜丸櫻桃大每一丸擦牙上

按此手陽明之的藥也

御藥院方獨活散治風毒牙疼牙根腫痛

川芎

獨活

羌活

防風

各半兩

細辛

荊芥

薄荷

生地黄

各二錢

右吹咀每三錢水煎漱嚥

按此足太陽厥陰少陰藥也

元戎立效散治牙疼

小椒

露蜂房

青鹽

等分

右為細末煎數沸熱嗽即止

按此足少陰藥也

東垣羌活散治風寒寒濕犯腦項筋急牙齒動搖肉斷

袒脫疼痛苦楚

麻黃

去節三兩

羌活

一錢半

柴胡

半兩

升麻

蒼朮

各半兩

草豆蔻

一錢

防風

三分半

藁本

三分

細辛

少許

當歸身

六分

白芷

桂

各三分

羊脰骨灰

二錢半

右為末先以溫水漱過擦之

按此足三陽太陰藥也

治寒之劑

御藥院方丁香散治牙齒

丁香

畢撥

蝎梢

大椒等分

右為末每少許擦於患處

按此足陽明太陰藥也

草薺散搗藥

草薺

良薑

胡椒

細辛等分

右為末每少許溫水隨痛處鼻內搗

按此足少陰太陰藥也

東垣白芷散治大寒犯腦牙齒疼痛

麻黃

草豆蔻

各一錢半

黃芪

升麻

各二錢

吳茱萸

白芷

各四分

當歸

一錢

藁本

三分

熟地黄

一錢

桂枝

二分半

羌活

八分

右為末先用溫水漱淨以藥擦之

按此手足陽明太陽厥陰藥也

治風熱之劑

元戎胡桐淚散治足陽明經虛風熱所襲流傳牙齒攻

注牙斷則致腫結妨悶甚者與斷間津液相搏化為濃汁宜用此藥

胡桐淚

石膽礬

黃礬

蘆薈

升麻

各半兩

麝香

亂髮灰

各一錢

朱砂

細辛

當歸身

川芎

牛膝

各二錢半

右為末先以甘草湯漱口後用藥少許傅之以常用少許擦牙去風熱消腫化毒牢固永無牙宣疳血之病按此足陽明厥陰藥也

犀角升麻湯治陽明經受風熱口唇頰車連牙腫痛

犀角

七錢半

升麻

五錢

防風

羌活

各三錢半

川芎

白芷

白附子

黃芩

各二錢半

甘草

一錢半

右咬咀水煎服

按此手足陽明太陽藥也

治寒熱之劑

東垣當歸龍膽散治寒熱停牙痛

麻黃

升麻

黃連

龍膽草

草豆蔻

錢各一

白芷

當歸尾

骨灰

錢各半

生地黃

五分

右件為末擦之

按此太陽陽明少陰厥陰藥也

益智仁律散治寒熱牙疼

草豆蔻

二錢二分

木律

二分

熟地黃

益智仁

骨灰

各錢半

升麻

一錢半

黃連

當歸

各四分

右為末乾擦之如寒多不用木律

按此足陽明厥陰藥也

麝香散治熱多寒少牙露根肉斷脫血出齒動欲落大作疼痛妨食涼少忤熱多

麻黃根

一分

草豆蔻

黃連

各一錢半

升麻 一錢

益智仁

二分半

當歸

生地黄

漢防已

酒製

人參

各三分

熟地黄

二分

骨灰

二錢

麝 少許

右為抹擦之

按此足陽明太陰藥也

攻下之劑

元戎調胃丸治齒痛血出不止

右以謂胃承氣湯為末蜜丸服

升麻丸治陽有熱攻注牙齒腫痛脉洪大而實

細辛

升麻

防已

羌活

牽牛

大黃

右等分煉蜜丸桐子大每二十丸溫水臨睡服

按此二方陽明例藥也論云病源有手陽明之支脉入於齒齒是骨之所終髓之所養若風冷客於經絡傷於骨髓冷氣入齒根則齒痛或胃與大腸俱熱大便秘結經絡壅滯而齒斷痛者治法不同也

清胃涼血之劑

東垣清胃散治因服熱藥使上下牙疼不可忍引頭腦滿面發熱大痛喜寒惡熱

生地黄

二分酒製

升麻

一錢

牡丹皮

半錢

當歸

三分

黃連 三分

右作末為一服水煎冷服

神功丸治多食肉人口臭不可近牙齒疳蝕牙斷肉將
脫齒落血不止

黃連

酒製

砂仁

各半兩

生地黄

甘草

各三錢

藿香葉

木香

當歸身

蘭香葉

如無

藿香葉代之
各一錢

升麻

二錢

右為末湯浸蒸餅丸如菉豆大每服百丸至二百丸白

湯食遠服

按此二方並陽明例藥也

治虫之劑

秘方馬夜眼燒存性為末敷上立愈

瑞竹堂方治虫牙疼

天仙子不以多少燒烟用竹筒抵牙引烟燻之其虫即死
謹按牙齒生虫乃陽胃土濕熱甚而生也學者宜治其本
補劑

金匱八味丸治腎虛牙痛

方見補虛門

三因安腎丸治虛壅牙齒疼痛浮腫

方見腰痛門

按此二方並少陰例藥也

取牙藥

本事方取牙落不犯手

草烏

畢撥

各兩半川椒

細辛

各三兩

右為末每少許搯在患處其牙自落

謹按牙齒動搖多因陽明風熱或濕熱疳蝕牙齦坦露故久則動搖脫之漸也然亦宜求其本而治其內堅藥擦其外庶或有可安之意否則一以動搖取之非也況此藥太躁恐非所宜姑采之以備其例爾

堅牙藥

聖濟總錄方治牙齒動搖

黑錫半斤大鍋內化成汁入桑條灰柳木槌研合

成砂以熟絹羅為末每日早晨揩牙溫水漱在孟
內以水洗眼能明目黑鬚鬢

食療云治牙動及血蟲並差其齒堅牢

皂角二錠 鹽半兩

右燒令赤細研夜夜用擦牙齒一月

西嶽華峯方

猪牙皂角及生薑 西國升麻熟地黃

木律旱蓮槐角子

細辛荷葉要相當

荷葉取心

青鹽等分同燒煨

研細將來用最良

揩牙牢牙髭髮黑

誰知世上有仙方

元戒麝香間玉散

酸石榴皮

訶子

各二兩

升麻

綠礬

枯

何首烏

青鹽

百藥煎

五倍子

沒石子

各兩半

白茯苓

一兩

石膽礬

細辛

各半兩

荷葉灰

白檀

川芎

白芷

甘松

茯苓

茴香

藿香葉

猪牙皂角

灰

木鱉子

各二錢

單撥

青黛

各一錢半

麝香

一錢

腦子

半錢

右為末用藥後茶清漱又方無腦子加沉香二錢

瑞竹堂方疾藥散治打動牙齒

疾藥根一味燒灰貼動處

東垣白牙散

升麻

一錢

骨灰

二錢

白芷

七分

石膏

一錢半

麝香

少許

右為末先以溫水漱擦之

按齒者骨之餘精氣所養然無病不可常擦蓋精氣
腎氣反有所惡耳昔人有以苦參揩牙久病腰者腎
受傷也此其鏗焉已上方宜隨證選用

嚴氏香鹽散常用牢牙去風冷蛀齲宣露一切齒疾

大香附子

炒令極黑三兩

青鹽半兩另研

右為細末如常法擦用

玉機微義卷三十

欽定四庫全書

玉機微義卷三十一

明 徐用誠 原輯

劉 純 續增

腰痛門

內經敘諸經腰痛

經曰足太陽脉令人腰痛引項脊尻背如重狀 少陽
令人腰痛如以針刺其皮中循循然不可以俯仰不可
以顧 陽明令人腰痛不可以顧顧如有見者善悲

足少陰令人腰痛痛引脊內廉厥陰之脉令人腰痛
腰中如張弓弩絃太陰腰痛下如有橫木居其中甚
則遺洩

按本論備言諸經及奇經同陰解脉等為痛并刺法
甚詳宜玩本文

又曰太陽所至為腰痛巨陽虛則腰背頭項痛是動則
項如拔挾脊痛腰似折髀不可以曲腰者腎之腑轉
搖不能腎將敗矣

脉經曰凡有所用力舉重若入房過度汗出如浴水則傷腎腎脹者腹滿引背央央然腰髀痛腎着之為病從腰以下冷腰重如帶五十錢

按此云用力已下為內傷腎着是外因也

脉法

脉經曰尺脉沉腰背痛腰痛時時失精飲食減少其脉洪滑而遲此為可治

劉三點曰腰痛之脉皆沉而弦沉弦而緊者為寒沉弦

而浮者為風沉弦而濡細者為濕沉弦而實者為閃肭
論腰痛為虛宜補

東垣曰太陽氣虛則邪客之痛病生矣夫邪者是風熱
寒濕燥皆能為病大抵寒濕多而風熱少然有房室勞傷
腎虛腰痛者是陽氣虛弱不能運動故也陽之不足宜
補陽如膏粱之人久服陽藥醉以入房損其真陰腎氣
熱則腰脊痛而不能舉久則髓減骨枯骨枯發為骨痿
陰之不足宜補陰

論腰痛宜刺

經云腰痛上寒不可顧取足太陽陽明腰痛上熱取足厥陰不可以俛仰取足少陽東垣云蓋足之三陽從頭走足足三陰從足入腹經所過處皆能為痛治之者當審其何經所過分野循其空穴而刺之審其寒熱而藥之假令足太陽令人腰痛引項脊尻背如重狀刺其郄中太陽二經出血餘皆倣此

按本篇論刺法甚詳宜玩本文然太陽腰痛刺委中出

血效速王注經中更言灸疑誤灸者宜腎俞腰俞穴

論腰痛宜下

子和云腰者腎之腑為大關節血氣不行則沉痛不能轉側世人多服補腎藥鮮有效者惟用牽牛甘遂等藥大瀉其濕其痛自可

按此論治只是謂氣鬱氣挫經壅血瘀及濕熱甚者宜行此法至於氣血不足腎虛之類皆未宜輕舉宜以脉體別之丹溪有曰腰痛脉大者腎虛脉濇者瘀血

有濕熱成痰者不可不辨

論腰痛分三因

陳無擇云六經腰痛皆外因大抵太陽少陰多中寒少陽厥陰多中風熱太陰陽明多燥濕以類推之失志傷腎鬱怒傷肝憂思傷脾皆致腰痛者以肝腎同系脾胃表裏脾滯胃閉最致腰痛其證虛羸不足面目黧黑遠行久立力不能盡失志所為也腹急脇脹目視眊眊所祈不得意淫於外宗筋弛縱及為白淫鬱怒所為也肌

肉濡漬痺而不仁飲食不化腸胃脹滿閉墜腰脇憂思所為也此屬內因腎著腰痛腰冷如水身重不渴小便自利飲食如故腰以下冷重如帶五千錢因作勞汗出衣裏冷濕久久得之腎腰偃僂腫重引季脇痛因於墜墮惡血流滯及房勞疲力耗竭精氣致腰疼痛此屬不內外因補瀉施治

按此所論病機甚詳惜乎方治所畧今聊具其例一二于左學者自宜推格

腰痛治法

治風之劑

小續命湯治因風腰痛

方見中風門三因方加桃仁炒

三因獨活寄生湯治腎虛卧冷濕當風所得

獨活

三兩

桑寄生

杜仲

炒

細辛

牛膝

秦艽

茯苓

白芍

桂心

川芎

防風

甘草

炙

人參

熟地黃

當歸

各等分

右吹咀每四錢水煎空心服

按此足少陰厥陰藥也

牛膝酒治傷風毒腰痛

牛膝

川芎

羌活

地骨皮

五加皮

薏苡仁

各一兩

生地黃

甘草

各十兩

海桐皮

二兩

杜仲

一兩

右吹咀帛裹入無灰酒浸各二七日夏三五日每服

一盃日三五次

按此足太陽少陰藥也

治寒濕之劑

濟生木附湯治濕傷腎經腰重冷痛小便自利

附子

白朮 各一兩
杜仲 炒半兩

右㕮咀每四錢入薑煎

三因腎著湯治腎虛為病身重腰冷如水洗狀不渴小便自利食如故腰以下冷痛如帶五千錢

茯苓

白朮

各四兩

乾薑

甘草

炙各二兩

右咬咀每四錢水煎空心冷服本方薑苓各四兩

按此二方足少陰藥也

治風寒濕之劑

局方五積散治感寒濕脾胃氣閉腰痛

方見濕門三因方加桃仁

東垣川芎肉桂湯治冬月露卧感寒濕腰痛用此代針

羌活一錢半柴胡

肉桂

桃仁

當歸尾

蒼朮

甘草炙

川芎

各一錢

獨活

麴

炒各半錢

漢防已

酒製

防風

各三分

右㕮咀作一服好酒三盞煎至一盞食前暖處溫服
麻黃蒼朮湯治寒濕所客身體沉重腰痛面色痿黃

麻黃

澤瀉

白茯苓

炒麴

陳皮

各一錢

蒼朮

二錢

杏仁

十箇

桂枝

草豆蔻

半夏

猪苓

各半錢

黃芪

三分

甘草

炙二錢

右㕮咀作一服水煎食前溫服

按此足太陽少陰藥也

治濕熱之劑

東垣獨活湯治因勞役濕熱自甚腰痛如折沉重如山

羌活

防風

獨活

桂

大黃

煨

澤瀉

各三錢

甘草

炙二錢

當歸

連翹

各半兩

防己

黃柏

各酒製一兩

桃仁

三十箇

右以咀每半兩酒水各半盞煎空心熱服

按此足太陽少陰表裏藥也

蒼朮湯治濕熱腰腿疼痛

蒼朮三錢

柴胡二錢

黃柏

防風

各一錢

右作一服水煎空心溫服

健步丸治下虛濕熱腰腿疼痛

方見痿門

謹按腰痛亦有內因寒熱致者詳見婦人門師尼寡婦之治論中宜隨證為治故其例不復具也

攻下之劑

三因熟大黃湯治墜墮悶胸腰痛不能屈伸

大黃

炒

生薑

各半兩

右吹咀水浸一宿五更去滓頓服之

按此陽明例藥也

子和益腎散

甘遂

右為末每三錢獐猪腰子細批開以鹽椒等物淹透
爛切摻藥在內荷葉裏燒熟酒送嚼下

按此足少陰例藥也

理氣之劑

局方小七香丸治鬱怒憂思或因閃挫癱撲一切氣滯腰痛

丁皮

香附

甘草

各一兩二錢

蓬朮

砂仁 各二錢 甘松 八錢

益智仁 六錢

右為末水浸蒸餅丸菉豆大每三二十九米飲下

易簡枳殼湯治腰背氣動發痛

枳殼

五兩

甘草

右為末葱白湯調下一二錢服訖即卧少時

按已上並太陰例藥也

理血之劑

元戎加味四物湯治瘀血腰痛

本方加桃仁紅花

按此厥陰例藥也

東垣地龍散治打撲傷損從高墜下惡血在太陽經中

令人腰脊或脛膕臂痛股中痛不可忍鼻壅塞不通

中桂

四分

桃仁

六箇

羌活

二錢

獨活

黃柏

各一錢

麻黃

半錢

當歸

一分

地龍

四分

甘草

一錢

蘇木

六分

右吹咀每五錢水煎服

按此出太陽例藥也

通關節之劑

濟生菴蘭丸治墜墮閃肭血氣凝滯腰痛

菴蘭子

半兩

沒藥

乳香

各二錢半

補骨脂

炒

威靈仙

杜仲

炒

桂

當歸

各半兩

右為末酒糊丸如桐子大每七十九空心溫酒鹽湯任下

東垣趨痛丸治打撲閃損腰痛不可忍

白蒿萐子

炒黃

白粟米

炒

乳香

沒藥

各一錢

烏梅

一箇

右為末蒸餅為丸如彈子大每服一丸細嚼用溫酒空心下

按此出厥陰例藥也

補劑

局方青娥丸治腎虛腰痛或風寒乘之血氣相搏為痛

杜仲薑炒一

破故紙

炒八兩

胡桃

二十箇

右為末蒜四兩為膏和丸如梧子大每三十丸空心
溫酒送下一法酒糊丸不用蒜

黃芪建中湯治男女諸虛不足身重短氣腰背強痛

方見補虛門

三因安腎丸治腎虛腰痛

破故紙炒

胡蘆巴炒

茴香炒

川棟子炒

續斷

炒各三兩

桃仁炒

杏仁炒

山藥

茯苓

各二兩

右為末蜜丸梧子大每五十九空心鹽湯下

百一選方補髓丹治老人虛弱腎傷腰痛不可屈伸

杜仲炒

破故紙

各十兩用芝蔴五兩同研以芝蔴黑色無聲為度篩去芝

蔴不用

鹿茸

一兩燎去毛酒浸炙

沒藥

一兩另研

右為末和勻用胡桃三十箇浸去皮杵為膏入麝少

許煮糊丸如梧子大每百丸溫酒鹽湯任下

摩腰膏治傷寒濕腰痛

附片

烏頭尖

南星

各二錢半

砂薑 一錢

雄黃

樟腦

丁香

各一錢半

麝香 五粒

右末煉蜜為膏薑汁化如彈大放掌中火上烘熟摩之

按此法是代灸之意灸者宜腎俞二穴腰俞一穴見資生經

玉機微義卷三十一

欽定四庫全書

玉機微義卷三十二

明徐用誠原輯

劉純續增

腹痛門

內經敘腹痛所因

舉痛論云寒氣入經而稽遲泣而不行客於脉外則血少客於脉中則氣不通故卒然而痛其痛或卒然而止者或痛甚不可按或按之痛止或按之無益或喘動應

手者或脇肋與少腹相引而痛者或腹痛引陰股者或卒然痛死不知人少間復生者或痛而嘔者或腹痛而後泄者或痛而閉不通者各不同形

按本論具已上病形異候皆寒氣所因甚詳宜玩本文唯痛而閉不通為熱氣留於小腸腸中痛癰熱焦渴則堅乾不得出為熱痛此述病機寒熱皆能為痛也蓋寒痛者多熱痛者少

脉法

脉經曰脉細小緊急病速進在中腹中刺痛陰弦則
腹痛弦急小腹痛尺脉緊臍下痛尺脉伏小腹痛
癥瘕尺脉實小腹痛當利之心腹痛痛不得息脉
細小遲者生堅大疾者死腹痛脉反浮大而長者死
傷寒論曰傷寒脉陽溢陰弦腹中急痛裏有虛寒

論傷寒腹痛

成無已云陰寒為邪者則腹滿而吐食不下自利甚腹
自痛太陰證也發汗不解醫反下之因而腹滿時痛者

屬太陽也桂枝加芍藥湯主之大實痛者桂枝加大黃湯主之

東垣曰腹中諸痛皆因勞役過甚飲食失節中氣不足寒邪乘虛而入客之故卒然而作大痛經言得炁則止炁者熱也以熱治寒治之正也然腹痛有部分臟位有高下治之者宜分之

按已上脉證言諸虛痛矣然邪傳入裏熱結下焦實滿血結硬痛皆實痛也脉經云腹滿按之不痛為虛痛

者為實此述病機虛實之異又兼部分高下言也

論腹痛為陰毒所致

詳見寒門

論腹痛屬熱

原病式曰熱鬱于內而腹滿堅結痛者不可言為寒也
按丹溪曰腹痛有積熱者或死血食積濕痰皆能作
痛脉弦者食脉滑者痰清痰多作腹痛宜分治之
詳已上蓋言寒熱之分故此論及已後病例皆不之

及

論腹痛屬血

成無已曰邪氣聚於下焦則津液不得通血氣不得行或弱或血留滯於下是生脹滿而鞭痛也若從心下至少腹皆鞭滿而痛者是邪實也須大陷胃湯下之若但少腹鞭滿而痛小便利者則是畜血之證小便利不利者則是溺澀之證

論腹痛為疝所致

見疝門

論腹痛為瀉痢

詳見滯下等門

論腹痛為積聚所致

見積聚門

論腹痛為腸癰所致

見瘡瘍門

論治腹痛大法

此事難知曰傷寒中脘痛太陰也理中建中黃芪湯之類
臍腹痛少陰也四逆真武附子湯之類少腹痛厥陰也
重則正陽回陽丹之類輕則用當歸四逆湯太陰連少
陰痛甚者當變下利不止 雖證而痛四物苦楝湯酒
煮當歸丸之類夏月腹痛肌熱惡熱脉洪疾手太陰足
陽明主之黃芩芍藥湯秋腹痛肌寒惡寒脉沉疾足太
陰足少陰主之桂枝芍藥湯四時腹痛芍藥甘草湯主
之

按此治法本傷寒與夫寒症時行治例也然學者觀已上諸病機則脉治思過半矣

腹痛治法

溫散之劑

桂枝加芍藥湯治腹滿時痛脉弱

按此太陰例藥也

理中丸治霍亂頭疼身寒腹痛

方並見寒門

小建中湯治傷寒陽脉濇陰脉弦腹中急痛者

方見補虛門

按已上太陽例藥也

真武湯治腹痛下利四肢沉重

方見寒門

四逆湯治傷寒下利腹痛四肢逆冷

甘草二錢

附子數大片
乾薑三錢

右㕮咀水煎服

霹靂散治腹痛脉欲絕

附子一枚炮取出用冷灰培之取半兩入真臘茶
一大錢同研細分二服每水煎臨熟入蜜半
匙候溫冷服

桃花湯治腹痛下利膿血小便不利

赤石脂 一兩
乾薑 一錢
粳米 一合

右末水煎服

按已上少陰例藥也

當歸四逆湯治傷寒小腹急痛

方見寒門

按此厥陰例藥也

踈下之劑

仲景桂枝加大黃湯治腹滿時痛煩躁

桂枝

生薑 各三錢 芍藥 六錢

大黃 一錢

甘草 二錢

大棗 二枚

右以咀水煎

大陷胃湯治潮熱煩渴從心下至少腹硬滿而痛不可
近

大黃

六錢

芒硝

一合

甘遂

一分

右先煮大黃去滓內硝再煮後下甘遂末溫服
按已上太陽例藥也

大承氣湯治關脉實腹滿大便秘按之痛或繞臍痛

大黃

厚朴

枳實

芒硝

右咬咀水煎

按此陽明例藥也

和解之劑

黃連湯治胃中有熱胃中有邪氣腹中痛欲嘔吐者用此升降陰陽

黃連

甘草炙

乾薑

桂枝各三錢

人參二錢 半夏半合

右㕮咀水煎入大棗二枚

芍藥甘草湯

白芍藥

甘草

炙

右等分咬咀水煎入生薑

元戎云腹痛脉弦傷氣用本藥 脉洪傷金加黃芩
脉緩傷水加桂枝 脉瀉傷血加當歸 脉遲傷火
加乾薑

按已上並太陽例藥也

加減小柴胡湯治寒熱脉弦腹中痛

本方去黃芩加芍藥

四逆散治寒邪變熱傳裏小便不利腹中痛或泄利

甘草

炙

枳實

炒

柴胡

芍藥

右等分每半兩水煎

黃芩芍藥湯治腹痛脉洪

黃芩

白芍

甘草

右以咀水煎加生薑

按已上並少陽例藥也

雜方

元戎四物苦楝湯治臍下虛冷腹痛

四物湯

四兩

玄胡

苦楝

各一兩
炒

右咬咀水煎服每服一兩

酒煮當歸丸治小腹下痛

當歸

一兩

茴香

半兩

附子

良薑

各七錢

右四味酒煮乾再焙

炒黃鹽

丁香

各半兩

全蝎

二錢

柴胡

二錢

升麻

木香

各一錢

苦楝

半錢

甘草

炙半錢

玄胡 四錢

右酒煮糊丸梧子大每二三十九丸空心白湯下

增損當歸丸治三陰受邪心腹疔痛

四物湯

半兩

防風

獨活

全蝎

各五錢

續斷

茴香

各一兩

苦楝

玄胡

各七錢

木香

丁香

各二錢半

右末酒糊丸梧子大每四五十九丸白湯下

苦楝丸治奔豚小腹痛

苦棟

茴香

附子

右三味酒煮焙乾末之每兩入玄胡半兩全蠋炒丁香
各十八箇為末酒糊丸桐子大每五十九丸食前溫酒
下

熨法

見寒門

迴陽丹治陰毒

牡蠣

燒

不灰木

燒

良薑

炒

川烏

炮

白芍

各一錢

麝少許

右細末每用一錢男病用女唾津調塗外腎女病用男唾調塗乳上

謹按已前諸方皆傷寒例法也餘屬血屬積聚屬疝等因作痛方例見各門茲不備錄

玉機微義卷三十二

欽定四庫全書

玉機微義卷三十三

明 徐用誠 原輯

劉 純 續增

心痛門 胃脘痛附

諸經敘心痛所因

內經曰五臟卒痛何氣使然曰寒氣客於背俞之脉則
血脉泣脉泣則血虛血虛則痛其俞注於心故相引而痛
按之則熱氣至則痛止矣重感於寒則痛久矣

鍼經曰足太陰之脉其支者復從胃別上鬲注心中是動則病舌木強食則嘔胃脘痛腹脹善噎心下急痛胃病者腹臑脹胃脘當心而痛上支兩脇鬲咽不通厥心痛者乃寒邪客於心包絡也真心痛者寒邪傷其君也手足青至節甚則旦發夕死夕發旦死

脉經曰愁憂思慮則傷心傷心則苦驚喜忘善怒心傷者其人勞倦即頭面赤而下重心中痛徹背其脉弦此心臟傷所致也諸虫痛者如心腹痛懊懷發作腫聚往來

上下行痛有休作心腹中熱善渴涎出面色乍青乍白
乍赤嘔吐清水者虵咬也以手緊按而堅持之無令得
移以針刺之久持之虫不動乃出針也

脉法

脉經曰脉陰弦為心痛心脉微急為痛微大為心痺引背
短而數心痛 濡則心痛 脉浮大弦長者死沉細者生
論心痛有熱厥寒厥不同

病機機要曰諸心痛者皆少陰厥陰氣上衝也有熱厥心痛

者身熱足寒痛甚則煩躁而吐額自汗出知為熱也其脉浮大而洪當灸太谿及崑崙謂表裏俱瀉之是謂熱病汗不出引熱下利表汗通身而出者愈也灸畢服金鈴子散則愈痛止服枳朮丸去其餘邪也有大實心中痛者因氣而食卒然發痛大便或秘久而注悶心胸高起按之愈痛不能飲食急以煮黃丸利之利後以藁本湯去其邪也有寒厥心痛者手足逆而通身冷汗出便溺清利或大便利而不渴氣微力弱急以朮附湯溫之寒厥暴痛非久病

也朝發暮死急當救之是知久病無寒暴病非熱也

按此論寒厥熱厥與夫大實心痛及治法已詳然亦有病久氣血虛損及素作勞羸弱之人患心痛者皆虛痛也故錢氏曰心虛者炒鹽補之觀圖經衍義中具蠮治心痛則蠮粉與鹽實得之矣但世俗莫知其妙而先哲不言此例者欲人自求之爾

論心痛分三因

陳無擇云十二經絡外感六淫則其氣閉塞鬱于中焦氣與

和爭發為疼痛足厥陰心痛兩脇急引小腹連陰股相引痛
手心主痛徹背心煩掌中熱咽乾目黃赤脇滿足太陰心痛腹
脹滿漚漚然大便不利膈閉咽塞手太陰心痛短氣不足以
息季脇空痛遺失無度胸滿煩心足少陰心痛煩劇面黑心
懸若飢胸滿腰脊痛背輸諸經心痛心與背相引心痛徹背背
痛徹心諸腑心痛難以俯仰小腹上衝卒不知人嘔吐泄瀉此皆
諸經諸俞諸腑涉邪所致病屬外所因若五臟內動汨以七情
則其氣痞結聚于中脫氣與血搏發為疼痛肝心痛者色蒼蒼

如死狀終日不得安息真心痛者

云云見前

脾心痛者如針

錐刺其心腹蘊蘊然氣滿肺心痛者若從心間起動作痛並甚色不變腎心痛者與背相引善癢如物從後觸其心身偃俛胃心痛者腹脹滿不下食食則不消皆臟氣不平喜怒憂鬱所致屬內因飲食勞逸觸忤非類使臟氣不平痞隔于中食飲道注變亂腸胃發為疼痛或飲啖生冷果實中寒不能消散結而為積遇食還發名積心痛及其臟寒生虺致心痛者所謂九種心痛曰飲

飲曰食曰風曰冷曰熱曰悸曰虫曰疰曰去來痛者除
風熱冷屬外所因餘皆不內外更婦人惡血入心脾經發
作疼痛尤甚於諸痛更有卒中客忤鬼擊尸疰使人心
痛亦屬不內外因

按此具三因病機甚詳但欠諸經病及九痛治例欲
人自擴充爾然臟病連心心病連臟及胃脫病結胃之
不同久新淫鬱之異隨其所甚者為療故宜其無所定
之法也矧有七情九種之致者丹溪先生亦曰凡心膈

之痛須分久新若明知身受寒氣口食寒物而病於初得之時當用溫散或溫利之藥若其病得之稍久則成鬱矣鬱則蒸熱熱久必生火原病式中備言之矣若欲行溫利溫散寧無助火添病耶由是古方中多以山梔為熱藥之鄉導則邪易伏病易退然向安之後若縱恣口味病必復作凡治此病必要先問平日起居何如假如心痛有因平日喜食熱物以致死血留於胃口作痛者用桃仁承氣湯下之若此等例

皆前人所未舉也學者識之

心痛治法

治寒之劑

金匱赤石脂丸治心痛徹背背痛徹心

烏頭一分炮附子半兩炮蜀椒

乾薑

赤石脂各一兩

右末密丸如梧子大食後湯下一丸日三服

九痛丸治九種心痛兼卒中惡腹脹痛

附子三錢炮

生狼牙

二錢炙

巴豆

一錢去皮心炙研如脂

人參

乾薑

吳茱萸

各一錢

右六味為末煉蜜丸梧子大酒下强者初服三丸

三因倉卒散治氣自腰腹間攻心變急痛不可忍腹中冷白汗如洗手足冷

山梔

四十九箇連皮燒半過

附子

一箇炮去皮臍

右為末每二錢酒一盞入鹽少許煎溫服

元戎木附湯治寒厥暴痛脉微氣弱

甘草

炙一兩

白朮

四兩

附子

炮去皮臍切片一兩半

右㕮咀每三錢入薑棗煎服

宣明神砂一粒丹治一切厥心痛

附子

炮

鬱金

薑紅

各半兩

右為末醋麪糊丸如酸棗大以朱砂為衣每服一丸
男子酒下婦人醋湯下

按已上出少陰例藥也

機要藁本湯治大實心痛大便已利宜此服之

藁本

半兩

蒼朮

一兩

右為粗末水煎服

按此足太陰太陽藥也

東垣麻黃豆蔻丸治客寒犯心胃大痛不可忍

麻黃

不去節
一錢

草豆蔻

五錢

益智仁

八分

炒麴

二錢

升麻

半夏

麥蘖

砂仁

黃芪

白朮

陳皮

柴胡

炙甘草

吳茱萸

當歸身

各半錢

木香

青皮

厚朴

畢澄茄

各四分

蘇木 三分

紅花 二分

右為末湯浸蒸餅為丸如桐子大每三十九溫水下或細嚼按此出太陽例又氣血之劑也

治熱之劑

大陷胸湯治熱結胸中脉沉而緊心下痛按之石硬

大黃

六錢

芒硝

半合

甘遂

一分

右先煮大黃後下硝遂末取溫服

按此陽明例藥也

機要金鈴子散治熱厥心痛或發或止久不愈者

金鈴子

玄胡

各一兩

右為末每服二三錢酒調下溫湯亦得

瑞竹堂方應痛丸治心氣痛不可忍者

好茶末

四兩

揀乳香

二兩

右為末用臘月兔血和丸如雞頭大每服一丸溫醋湯下

按此二方少陰經藥也

調血之劑

元戎四神湯治婦人血虛心腹疴痛

本方減地黃加乾薑

濟生愈痛散治急心痛胃脘痛

五靈脂

玄胡索炒

莪朮

良薑

當歸

右等分為末每一錢熱醋湯調下不拘時候服

錢觀文方治心脾疼

當歸八兩 白朮一分

右為末沸湯點服一二錢

丹溪方治死血胃脘痛者

玄胡一兩半

桂

滑石

紅花

紅麴

各半兩

桃仁

三十箇

右為末湯浸蒸餅丸

按已上並厥陰例藥也治血虛血實例各不同宜選用

理氣之劑

局方蘇合香丸治症忤鬼氣卒心痛

方見氣門

按此厥陰例藥也然世俗多用蟠葱散

方見疝門宜較輕重選使

元戎立應散治心腹急痛

香附子炒 良薑等分

右細末每二錢湯點服

濟生加味七氣湯治七氣為病及外感風寒為心痛

半夏五兩

桂

玄胡

炒各一兩

人參

甘草

各半兩

乳香

三錢

右以咀每四錢入薑煎

按已上太陰例藥也

理氣調血之劑

楊氏方卻痛散治心氣冷痛不可忍

五靈脂

蒲黃

炒一兩半

當歸

桂

石菖蒲

木香

胡椒

各一兩

川烏

炮七錢半

右吹咀每四錢入鹽醋少許煎

按此出厥陰例藥也

百一選方手拈散治心脾疼

草果

玄胡

五靈脂

沒藥

右等分每三錢溫酒調下

宣明沒藥散治一切心肚疼痛不可忍者

沒藥

乳香

各三錢

穿山甲

炙五錢

木鱉子

四錢

右為末每半錢至一錢酒大半盞同煎溫服

消導之劑

元戎厚朴丸治大實心痛

方見積聚門

百一選方薑橘丸治中酒惡心心脾痛嘔逆

生薑

一斤青鹽一兩淹一宿

青皮

砂仁

木香

各三分莪朮一兩

甘草

炙

陳皮

半兩

右末煉蜜丸杵千下丸如櫻桃大每丸鹽湯下

易簡感應丸治酒積食積痰積為患心腹疔痛

丁香

木香

豆蔻

乾薑

巴豆

杏仁

百草霜

右用見成丸子半兩入巴豆十個去殼研成膏用烏梅三箇蒸過去肉三件一處研令極勻丸如菉豆大每三五丸溫水下

丹溪方治痰飲積胃脘痛

螺螄殼

牆上年久者燒

滑石

炒

蒼朮

山梔

香附

南星

各一兩

枳殼

青皮

木香

半夏

砂仁

各半兩

右為末生薑汁浸蒸餅丸如菉豆大每三四十丸薑湯下春加川芎夏加黃連秋加芍藥冬加吳茱萸半兩按已上出太陰例藥也

治虫之劑

三因集效丸治臟腑虛弱或多食甘肥致虵動作心腹絞痛

木香

鶴虱

炒

檳榔

訶子

煨去核

蕪荑炒

附子炮

乾薑炒各七錢半

大黃一兩半炒

右為末密丸如梧子大每三十九食前橘皮湯下婦人醋湯下

按此陽明例藥也姑錄此以備其例

雜方

衍義方銅青一味淡醋湯調些小服之


集錄方荔枝核一味燒存性為末用醋湯調下一錢

失笑散治心腹痛百藥不效

五靈脂

蒲黃等分

右為末先以礶醋調二錢熬成膏入水一盞食前溫服



玉機微義卷三十三

欽定四庫全書

子部

玉機微義卷

三十四至
四十

詳校官太醫院恩程臣袁天錫

編修臣倉聖脈覆勘

總校官知縣臣繆琪

校對官中書臣宋枋遠

謄錄監生臣蔣厚傳

欽定四庫全書

王機微義卷三十四

明

徐用誠 原輯

劉 純 續增

頭痛門

論厥頭痛真頭痛

靈樞云厥頭痛取足六經手少陰真頭痛頭痛其腦盡

痛手足寒至節死不治

詳見厥病篇

難經云手三陽之脉受風寒伏留而不去則名厥頭痛入

連在腦者名真頭痛

按靈樞有厥頭痛之名而不指何邪為病至難經始言風寒伏留不去而三因嚴氏論云氣血俱虛風寒暑濕之氣所侵傳於陽經伏留不去名曰厥頭痛蓋厥者逆也逆壅而衝於頭也痛引腦巔陷至泥丸宮者名真頭痛非藥之能愈夕發旦死旦發夕死則根氣先絕也斯言得之矣

頭痛脉法

內經云寸口脉中短者曰頭痛

脉經云陽弦則頭痛又云寸口脉浮中風發熱頭痛

脉緊頭痛是傷寒脉緊上寸口者風頭痛

脉訣云頭痛短澁應須死浮滑風痰皆易除

傷寒頭痛

活人書云頭痛者陽證也太陽證頭痛發熱惡寒無汗
麻黃湯有汗桂枝湯若已發汗未發汗頭痛如破者連
續葱白湯不止者葛根葱白湯陽明證頭痛不惡寒反

惡熱胃實也調胃承氣湯少陽頭痛小柴胡湯太陰少陰並無頭痛之證仲景只有厥陰一證吳茱萸湯

按傷寒以足三陽經上行至頭并厥陰與督脉會于巔故止言四經頭痛若雜病所感者諸經皆能頭痛也活人用葱白湯以通上下之陽氣也

諸經內外頭痛用藥法

太陽頭痛惡風寒川芎 少陽頭痛往來寒熱脉弦柴胡 陽明頭痛自汗發熱惡熱白芷 太陰頭痛體重

痰實腹痛半夏 少陰頭痛三陰三陽經不流行而足

寒逆為寒厥頭痛細辛 厥陰頭痛項痛脉微浮緩欲

入太陽其疾痊然亦當用川芎

寶鑑作藁本一作吳茱

更氣虛頭痛黃芪 血虛頭痛當歸

寶鑑作川芎下同

諸氣血俱虛頭痛黃芪當歸 傷寒太陽頭痛麻黃湯

桂枝湯 陽明頭痛白虎湯 少陽頭痛柴胡湯 太

陰頭痛脉浮桂枝湯脉沉理中湯 少陰頭痛脉沉微

熱麻黃附子細辛湯 厥陰頭痛外傷本經桂枝麻黃

各半湯 嘔而微吐水吳茱萸湯

按此與後論重出者衆然中間藥味畧有不同故兩存之

東垣頭痛論

金匱真言論云東風生於春病在肝俞在頭項故春氣者病在頭又諸陽會於頭面如足太陽之脉病衝頭痛足少陽之脉病頭角顙痛夫風從上受之風寒傷上邪從外入客於經絡令人振寒頭痛身重惡寒治在風池

風府調其陰陽不足則補有餘則瀉汗之則愈此傷寒
頭痛也頭痛耳鳴九竅不利者腸胃之所生乃氣虛頭
痛也心煩頭痛者病在膈中過在手巨陽少陰乃濕熱
頭痛也如氣上不下頭痛巔疾者下虛上實也過在足
少陰巨陽甚則入腎寒濕頭痛也如頭半寒痛者先取
手少陽陽明後取足少陽陽明此偏頭痛也有真頭痛
甚則腦盡痛手足寒至節者死不治有厥逆頭痛者所
犯大寒內至骨髓髓者以腦為主腦逆故令頭痛齒亦

痛凡頭痛者木也風則溫也治以辛涼秋尅春之意
故頭痛皆以風藥治之者總其大體而言之高巔之上
惟風可到故味之薄者陰中之陽乃自地升天者也然
有三陰三陽之異故太陽頭痛脉浮緊惡風寒川芎羌
活獨活麻黃之類為主少陽經頭痛脉弦細往來寒熱
柴胡為主陽明頭痛身熱目疼鼻乾惡寒發熱惡熱其
脉浮緩而長升麻湯或石膏白芷為主太陰頭痛必有
痰體重或腹痛為痰癖其脉沉緩蒼朮半夏南星為主

少陰經頭痛三陰三陽經不流行而足寒氣逆為寒厥
其脉沉細麻黃附子細辛湯為主厥陰頭痛項痛或痰
吐涎沫厥冷其脉浮緩吳茱萸湯主之諸血虛頭痛當
歸川芎為主諸氣虛頭痛人參黃芪為主為主者主治
也兼見何證以佐使藥治之此立方之大法也氣血俱
虛頭痛者於調中益氣湯中少加川芎蔓荊子細辛其
效如神半夏白朮天麻湯治痰厥頭痛藥也青空膏乃
風濕熱頭痛藥也羌活附子湯厥逆頭痛藥也如濕氣

在頭者以苦吐之不可執方而治

按此論頭痛至為詳悉首言傷寒內傷頭痛歷引內經以明濕熱寒濕偏頭痛真頭痛厥逆頭痛等證細分六經用藥之法後世無以加矣

論三陽受病頭痛

子和云頭痛不止乃三陽受病也三陽分部分頭與項痛者足太陽經也攢竹痛俗呼為眉虎骨痛者是也額角上痛俗呼為偏頭痛者足少陽經也如痛久不已則

令人喪目以三陽受病皆胸膈有宿疾之致然也先以茶調散吐之吐訖可服川芎薄荷辛涼清上之藥叔和云寸脉急而頭痛是也

按此云頭痛乃三陽受病皆胸膈有痰之致乃指病之壅鬱於上而言也內經云春氣者病在頭蓋天氣在上知病氣亦升於上也吐之所以宣達在上之邪仲景云大法春宜吐是也此亦治頭痛之一法但不可專執於此

金匱要略卷三十四
論頭痛屬火熱之病

子和云丹陽僧病頭熱痛不散見明以布圍其巔上置冰於其中日易數次戴人曰此三陽畜熱故也乃置炭火於煖室中出汗涌吐三法併行七日而愈

一婦人偏頭痛五七年大便結燥兩目赤腫眩運世之頭風藥無不服其頭上針艾數千百矣一日戴人診其脉急數而有力風熱之甚也此頭角痛是三焦相火之經乃陽明燥金勝也燥金勝乘肝則肝氣鬱肝氣鬱則

氣血壅氣血壅則上下不通故燥結於裏尋至失明治
以大承氣湯令河水煎二兩加芒硝一兩煎成頓令分
二五服下泄如湯二十餘行次服七宣丸神功丸以潤之
菠稜葵菜猪羊血以滑之三劑之外目豁首輕燥澤結
釋而愈

按此所治之疾既已多年不解豈非風濕熱三氣鬱
滯膠固而然哉故其所施之法雖峻而於中病之情
則得也又論頭風之甚者久則目昏偏頭風者少陽

相火也久則目束小大便秘澀皆宜出血而大下之
出血之義是即開鬱解表也

謹按頭痛之證其原甚多東垣之論可謂詳矣然自
外而致者有風寒暑濕之異若仲景之傷寒東垣分
六經之類皆是也自內而致者有氣血痰飲五臟氣
鬱之異東垣論氣虛血虛痰厥頭痛之類皆是也大
抵四淫皆外邪隨其風寒濕熱多少而治於外也氣
血痰飲五臟之證皆內邪亦宜隨其血氣痰飲七情

內火分虛實寒熱而調其內以治於外也然氣血虛而用補宜東垣之論若三因等方用附子以治氣虛此則從陽虛立意非人身平和之血氣也若夫久年偏正頭風者多因內挾痰涎風火鬱遏經絡氣血壅滯之證然亦有血虛者須宜分別以治之

頭痛治法

治風之劑

局方川芎茶調散治頭風上攻偏正頭痛

金匱要略卷三十四
方見傷風門

秘藏徹清膏

川芎

薄荷葉

各三分

葉本一錢

甘草

生半錢

炙甘草

半錢

蔓荊子

細辛

各一分

右為末每二錢茶清下食後服

按此手足少陽厥陰太陽少陰經藥也

元戎治三陽頭痛

羌活

防風

荊芥

升麻

葛根

白芷

石膏

柴胡

川芎

芍藥

細辛

葱白連鬚

若陰證頭痛只用溫中藥足矣如理中薑附輩此則專治三陽頭痛也

治風寒之劑

仲景麻黃湯治太陽傷寒頭痛無汗

桂枝湯治太陽傷風頭痛有汗

二方並見傷寒門

局方如聖餅子治風寒伏留陽經氣厥痰飲頭痛

防風

天麻

各半兩

南星

乾薑

川芎

甘草

炙各一兩

半夏

半兩

川烏

去皮一兩

右細末蒸餅糊丸捻作餅子每五餅同荊芥穗細嚼茶清下

按此足三陽經藥也

秘藏羌活附子湯治冬月大寒犯腦令人腦痛齒亦痛

名曰腦風

麻黃

不去節

黑附子

防風

白芷

白殭蠶

黃栢

各二分

羌活

蒼朮

各半錢

升麻

二分

黃芪

一分

甘草

二分

佛耳草

三分

無寒嗽去之

右咬咀水煎服

按此手足太陽陽明太陰經藥也

寶鑑川芎神功散治風熱上攻偏正頭痛

川芎

川烏

白芷

南星

麻黃各半兩 甘草一分

右為末每服三錢薑水煎服

按此手足少陽厥陰手陽明太陰經藥也

三因芎辛湯治傷風寒生冷及氣虛痰厥頭疼如破兼眩暈嘔吐

附子去皮臍生用 烏頭生

天南星 乾薑

甘草炙 川芎

細辛各等分

右剉散每四錢薑五片茶芽少許煎服

按此足少陽經藥也

嚴氏小芍辛湯治風寒在腦或感邪濕頭重頭疼眩暈嘔吐

川芎一兩

細辛

白朮

甘草

錢灸各半

右咬咀每四錢生薑五片茶牙少許煎服

局方加減三五七散治風寒入腦陽虛頭痛

山茱萸

去核三斤

細辛

一斤半

乾薑

炮三斤

防風

四斤

附子

三十五隻

炮去皮

臍

茯苓

去皮

三斤

右為末每二錢溫酒調下

按已上二方亦足少陰經藥也

治風熱之劑

秘藏青空膏治偏頭疼年深不愈者及療風濕熱頭痛

上壅損目

羌活

防風

各一兩

柴胡

七錢

川芎

五錢

甘草

炙一兩半

黃連

炒一兩

細挺子黃芩

三兩一半酒洗一半炒

右為末每服二錢七熱茶調如膏抄在口內少用白湯

送下如苦頭痛加細辛二分如太陰脉緩有痰減去羌

活防風川芎甘草加半夏一兩半如偏頭痛服之不
愈減羌活防風川芎一半加柴胡一倍如陽明頭痛
只與白虎湯中加白芷

按此足三陽經藥也

川芎散治頭目不清利

川芎 三分

羌活

防風

藁本

升麻

甘草

各一錢

柴胡

七分

黃芩

炒四錢半

黃連

四錢半酒洗

生地黃

一錢

右為末每服一二錢茶清調下

按此亦三陽經藥也

細辛散治偏正頭疼

細辛二分

川芎七分

柴胡二錢

黃芩

二錢
一半

酒洗一半炒瓦粉二錢

炙甘草

一錢
半

黃連

七分

芍藥半錢

右㕮咀每服三錢煎服

按此少陽少陰太陰經藥也

寶鑑石膏散治頭疼

川芎

石膏

白芷等分

右為末每服四錢熱茶清調下

按此陽明少陽經藥也已上東垣治風熱頭痛諸方多不同者以其有臟腑經絡之異也今不詳載其方然有用羌活防風川芎柴胡升麻藁本細辛之異者行各經也有用黃芩黃連黃柏知母石膏生地黃之異者分各臟瀉火也用澤瀉茯苓者導濕也又使邪

氣自天而降也用黃芪者補氣行氣也各隨病而增損之意不可拘執也

治濕之劑

三因芎朮湯治濕著頭重眩暈痛極

川芎

白朮

附子

生去皮尖各半兩

桂心

甘草

各一分

右㕮咀每服四錢薑七片棗一枚同煎食前服按此足少陰經藥也治寒濕之藥有熱者不治

痰厥頭痛之劑

秘藏半夏白朮天麻湯治素有脾胃之證時顯煩燥大便不利又出入為寒氣所鬱悶亂大作火鬱不伸故也醫疑有熱服疎風丸下之元證不減復添嘔逆食不能停痰唾稠粘湧出不止眼澁頭旋惡心煩悶氣短促上喘無氣力目不敢開如在風雲中頭苦痛如裂身重如山四肢厥冷是胃氣已損復下兩次重虛脾胃病名曰痰厥頭痛

半夏 一錢半

白朮

炒麴 各一錢 天麻

黃芪

人參

蒼朮

陳皮

澤瀉

茯苓

各半錢

大麥麴

一錢半

乾薑

三分

黃柏

二分

此頭痛甚為足太陰痰厥頭痛非半夏不能療目

黑頭旋風虛內作非天麻不能除

詳見試效方

家珍水煮金花丸治頭痛每發時兩頰青黃眩暈目不
欲開懶欲言語身重兀兀欲吐數日方過此厥陰太

陰合而為病名曰風痰服此藥更灸俠谿二穴不旬
日愈

局方玉壺丸加雄黃白朮以治風濕

按此出太陰嘔噦例治風痰之藥也

嚴氏三生丸治痰厥頭痛

半夏

白附子

南星 各一分

右為細末生薑自然汁浸蒸餅為丸棗豆大每服四
十九食後薑湯下

按此藥出厥陰南星半夏例亦治風痰之藥也

寶鑑茯苓半夏湯治風熱痰逆嘔吐頭痛

大半夏

三枚

赤茯苓

一分

黃芩

甘草

陳皮

各二分

右剉薑三片煎

按此手足太陰經藥治痰挾熱之藥也其治痰挾寒之藥與治風寒之劑相類者采之

補氣之劑

寶鑑順氣和中湯治年高氣弱清氣不能上升頭面昏
悶本無表邪因發汗數次清陽之氣愈虛故苦頭痛
惡風不喜飲食氣短脉弱弦細而微宜升陽氣

黃芪

一錢半

人參

一錢

白朮

陳皮

當歸

白芍

五分

甘草

七分

升麻

柴胡

各三分

川芎

細辛

蔓荊子

各二

分

右剉作一服水煎食後服

按此即補中益氣湯加減法也內傷頭痛本方加蔓
荊子三分痛甚加川芎二分項痛腦痛加藁本二分
若苦頭痛者加細辛二分諸頭痛併用此四味足矣
若頭上有熱則此不能治當以清空之劑

補血之劑

機要四物湯治頭疼

四物湯中倍加川芎

元戎古方治頭痛欲裂

當歸

二兩酒一升煮取六合

按此二方並出厥陰例藥也

搗藥

本事方治八般頭風

草烏尖

細辛 等分

黃丹少許為末搗入鼻中立効

秘方治頭痛不可忍

玄胡

七枚

猪牙皂角

肥實者二箇

青黛二錢

右為末水丸成小餅子如杏仁大用時令病者仰卧
以水化開用竹管送入男左女右鼻中覺藥至喉少
酸令病者坐却令咬定銅錢一箇於當門齒當見涎
出成盆即愈

三因搐鼻藥

單撥

良薑

各一分

白芷

一錢

細辛

半錢

右為末每服一小字先含水一口分搐鼻內吐水即
止

秘藏搗鼻鬱金散治風熱頭痛

石膏

芒硝

白芷

各二錢
鬱金一錢

薄荷三分

右為末極細口含水鼻內搗之

按此陽明經藥也

太陽經嚏藥

防風

二分

羌活

二分

紅豆

二箇

右為末鼻內搗之

元戎搗藥瓜蒂散治偏頭痛久不愈服藥及針灸不效者以其濕氣在頭也

瓜蒂一味為末少許吹鼻中清水徐徐出一晝夜濕盡病止為度

按此已上搗藥元戎云亦吐之義也經云濕氣在上以苦吐之故邪在胸中服之邪在頭目搗之皆吐之屬也張子和點目出淚搗鼻流涕口含漉涎皆以同乎吐也

貼藥

前本事方或三因藥為末和葱白搗泥為膏貼兩額上

雜方

嚴氏葱附丸治元氣虛壅上攻頭痛

附子

一隻炮去皮臍

右為末葱涎為丸桐子大空心茶清下

玉真丸治腎厥頭痛不可忍其脉舉之則弦按之則堅

生硫黃

二兩
另研

石膏

硬者

半夏

湯洗十
次

硝石

另研
各一

兩

右為末研勻用生薑自然汁煮糊為丸桐子大每服
四十九食前米飲下

按頭痛古人多從風而議治故其藥雖有辛平辛涼
辛溫辛熱之殊大抵皆於解散之中分所挾之寒熱
耳至於傷寒頭痛仲景論中亦詳茲不詳載但內因
痰厥氣虛血虛頭痛之類東垣雖有論有方學者亦

宜隨病審機而用藥亦難拘於所錄之方以盡其變也又嚴氏治氣虛頭痛用附子治腎厥頭痛用硫黃等藥本出三因之論其義皆未切當今姑存之以備其說耳

玉機微義卷三十四